

ما رنینگ گو جری نیو ز بلیٹن مو رخہ 08 دسمبر 2024

یوہ آکا شوانی جموں ہے باغ علی طاہر تیں خبر سُنو۔

PM Viksat

وزیر اعظم نریندر مو دی نے لوکاں نانہہ کہیو ہے جے نوجواناں نانہہ اپنا خیالات سانجہ کرن غی خاطر پلیٹ فارم مہیا کران غا مقصد سنگ آئندہ مہینہ غے دوران ”وکست بھارت نوجوان لیڈراں غو اک مذاکراتی پروگرام“ منعقد کیو جا ئے گو۔ وزیر اعظم کل احمد آبا د مانہہ ”کریا کر سوسنا، مہا اُتسو“ سنگ ویڈیو کا نفرنگ غے ذریعے خطاب کر ریا تھا۔ یاہ تقریب بوچا سنواسی، اکشر، پُروشوتم، سوامی نا رائین بی اے پی ایس تنظیم غی طرفوں 50 سالہ خدمات غا اعزاز مانہہ منعقد کی گئی۔ وزیر اعظم نے اس تنظیم غا رضاکاراں نانہہ اک سال واسطے کیمیائی کھاداں تیں آزاد ذراعت، یکجہتی نانہہ فروغ دین، منشیات غی بدعت غے خلاف لڑائی، تے دریاواں غا تحفظ غی خاطر کم کرن با رے حلف لین واسطے کیو۔

LG Armed Forces

لیفٹنٹ گو رنر منوج سنہا نے کہیو ہے جے مہارا سلامتی دستا ہمیشہ قوم غی خدمت تے وقف کرن واسطے تیا ریں۔ اُنہاں نے کہیو جے حفاظتی دستاں غو قدرتی آفات غے دوران لوکاں غی جاناں گا تحفظ مانہہ وی اہم کردار ریاو ہے۔ لیفٹنٹ گو رنر نے مسلح دستاں غا فلیگ ڈے فنڈ مانہہ حصو دین واسطے شکریو وی ادا کیو۔ بہا در فوجی جواناں ، نیوی تے فضائیہ غا جواناں غی قربانیاں نانہہ اس موقعہ و ر یا د کیو گیو۔ جناب سنہا غو کہنو تھو جے مسلح فوجی دستاں غو جموں کشمیر مانہہ دہشت گردی غے خلاف لڑائی مانہہ خصوصی طور و ر خاصو اہم کردار ریاو ہے۔ جس غی وجہ نال خاص کر سرحدی علاقہ لوکاں نانہہ محفوظ ماحول میسر ہوؤ ہے۔ اُنہاں نے جموں کشمیر یوٹی غا خاصکر خوشحال افراد تیں اپیل کی ہے جے وے اس فنڈ مانہہ دل کھول غے چندو دیں۔

Army chief

فوج غا سربراہ جنرل اُندرہ دیوی ویدی نے کل اُدھم پور مانہہ موجود شمالی کمان غی پیشہ وارانہ تیاریاں غو جائزو لیو۔ اُنہاں نے تھوئی فوجی خدمات غی اک میٹنگ غی صدارت وی کی۔ جس غے دوران سانجی فوجی صلاحیتاں نانہہ ہو ر مضبوط بنان و ر زور پایو گیو۔ اس میٹنگ مانہہ فوج غا سینئر افسراں جن مانہہ بھارتی فضائیہ، بحریہ تے انڈو تبتن سرحدی پولیس، فوج غا ایڈیشنل ڈائریکٹوریٹ جنرل آف انفارمیشن اے ڈی جی پی آئی نے شرکت کی۔ فوجی سربراہ نے کمانڈ غا صدر دفتر اُدھم پور غو وی دورو لایو تے بعد مانہہ وے لداخ روانہ ہو گیا۔

CM Public

وزیر اعلیٰ عمر عبداللہ نے کل لوکاں توڑی براہ راست پُجن غا اپنا عہد غے تحت ”رابطہ“ غا ناں سنگ عوامی پہنچ غا اپنا پروگرام غو افتتاح کیو۔ اس موقعہ ور بولتاں واں عمر عبداللہ غو کہنو تھو جے اِس دفتر غا قیام غو مقصد لوکاں غا مسائل غو ازالو کرنو، نالے سرکا رتے شہریاں بشکا ر صحت مند تعلقات اُستوار کرنو ہے۔ اِس افتتاحی تقریب غے دوران وزیر اعلیٰ سنگ 15 تیں متا وفداں نے ملاقات کی۔ یہ وفد بکھ بکھ سماجی، ثقافتی تے پیشہ وارانہ گروپاں غی نمائندگی کر رہیا تھا۔ اِس موقعہ و ر بکھ بکھ معاملات ور غور کیو گیو، جن مانہہ اقتصادی للکار، ثقافتی تحفظ، روز گار غا معاملہ تے دوجا ترقیاتی معاملہ شامل ہیں۔ جموں کشمیر غا اُمیر ثقافتی ورثہ غا فروغ، مقامی زبانان غا تحفظ تے سماجی بہبودی پروگراماں غی عمل آوری ور وفود غی طرفوں خصوصی تو جہ دوائی گئی۔ وزیر اعلیٰ نے تمام معاملن تے مسائل نانہہ غور نال سُنیو، تے خطہ غی خصوصی شناخت نانہہ برقرار رکھن غی خاطر رَل غے کو شش کیا جان غی ضرورت ظاہر کی۔

Smart India Halkthan

اِنڈین انسٹیٹیوٹ آف ٹیکنالوجی آئی آئی ٹی جموں آئندہ 11 دسمبر تیں سمارٹ انڈیا بیکتھان سال 2024 غا فائنل غی میزبانی واسطے تیار ہے۔ آکاشوانی جموں غا نمائندہ نے جانکاری دیتاں واں دسیو ہے جے پورا مُلک تیں کُل 30 ٹیم اس مقابلہ مانہہ شرکت کریں گی۔ یہ ٹیم ”قومی اہمیت غا اطلاعتی ڈھانچہ غا تحفظاتی مرکز“ نانہہ پیش سائبر سکیورٹی غا مسائل ور قابو پان با رے مقابلہ مانہہ شامل ویں گی۔ آئی آئی ٹی جموں غی ٹیم کرناٹک، دہلی تے گو اہاٹی غا اپنا مرکز اں غی نمائندگی کریں گی۔ قومی سطح غا ایسا ستواں مقابلاتی سلسلہ نانہہ وزارت تعلیم غی طرفوں منعقد کیو جا رہیو ہے۔ جس غو مرکزی وزیر تعلیم دھرمیندر پر دھان غی طرفوں افتتاح کیو جائے گو۔ پورا مُلک مانہہ آئی آئی ٹی غا کُل 51 مرکز اں وچوں جموں جدیدکاری تے مسائل غو ازالو کیا جان غا سلسلہ مانہہ کلیدی اہمیت رکھے۔

اس غے نال ہی خبراں غو یوہ بلیٹن ختم ہوؤ۔

News Read by:-Bagh Ali Tahir

News Editor:- Yogesh Kumar Sagotra

DEO:- Alam Khan

Skilled:- Rajat Paul